



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 13. Franciscus Xaverius Mozambicum delatus, atque ibidem hyemare coactus.

[urn:nbn:de:hbz:466:1-66615](https://nbn-resolving.de/urn:nbn:de:hbz:466:1-66615)

bi contagiosi, quibus navigantes dire **Sæc. XVI.**
vexabantur, ingens Xaverio erant cha- **A.C. 1541.**
ritatis incitamentum; omnibus enim
infirmis solus ministrare gestiebat, eis-
que infima quæque etiam ad naufragium
provocantia exhibebat officia, suumque
cibile in Xenodochium convertens, il-
lud peste infectis replebat, ipse vero,
dum quieti indulgendi necessitas urge-
bat, in summo navigii tabulato cubans,
caput suum ad funium fasciculos velut
ad pulvinar reclinabat.

§. XIII.

*Franciscus Xaverius Mozambicum
delatus, atque ibidem hyemare
coactus.*

Tandem vero Sosa Indiarum Pro-Rex *Turselin l.1.*
Bonæ Spei Promontorium præter *c. 15 & 16.*
vectus, per longas itinerum ambages
plurimas tempestates feliciter eluctatus
est, ac naufragii metu in lætitiam verso,
ventisque secundis prospere afflantibus
ad alterum Africæ latus, quod meri-
diem inter & Orientem situm est, navi-
gare cœpit. Inde vero sexcentas ferme
leucas ceteri a Promontorio provesti,
cum quinque jam integros menses in
perpetua, eaque admodum incommo-
da navigatione absumpsissent, tandem
maximis defuncti periculis exeunte
Hist. Eccl. Tom. XXXVIII. B men-

Sæcul. XVI mense Augusto Mozambicum pervene-
A. C. 1541. runt. Hic Zanguebariæ portus est, qui
 Septentrionem versus Abyssiniæ, ad me-
 ridiem vero mari Æthiopico interjacet,
 atque e regione Madascarensem insulam
 respicit.

§. XIV.

Solemnis Votorum sponsio ab Ignatiō, ejusque Sociis facta.

Bouh. vie de S. Ign. l. 3. p. 217. Orl. in hist. Soc. l. 3. n. 11. **D**um hæc interea gerebantur, hoc anno Domini millesimo quingentesimo quadragesimo primo die decima septima Aprilis in festo Paschatis Ignatius Societatis suæ regimen in se suscipere cœperat, omnes vero ejus Socii, qui Romæ agebant, die vigesima secunda ejusdem mensis septem insigniora urbis tempa, quæ præcipuæ vocantur *Stationes*, obibant, postea vero solemni votorum sponsione fæse Deo devovebant. Celebrabant hanc solemnitatem in templo D. Pauli, ubi Ignatius peracta re divina ante Dominici Corporis sumptuonem excepit solemnem Sociorum suorum professionem, quæ erat hæc: *Ego N. promitto Deo perpetuam paupertatem, casitatem & obedientiam juxta formam vivendi in Bulla Societatis JESU. Insuper promitto specialem obedientiam summo Pontifici circa Missiones in Bulla contentas. Rursus promitto me obediturum circa eruditio-*